

A PFÈRLECHES VI

Kritsch, kratsch

Kricks, kròcks

unter de eart hòt s an **tòcks**

as hòt an schouber za tea'

ont va jarder ist er mia.

S sai' lem ist òlbe glaich,

er hòt nèt noat va vil, er ist nèt raich.

Rumpf au, rumpf o

Rumpf o, rumpf au

va de eart oft a vòrt kimmp er arau,

za sechen de sunn oder za schmecken an ploa'm

ober benn s hòt an lèrm geat er pahenn hoa'm.

Patatott tir tar

Tir tar patatott


oft a vòrt pakemmt er an herten knott,

ober sem glaim a loch hòt gamòcht a ròtz

ont asou kònnnt er aribarn pet de sai' pròtz

en sai' schea's bòrms haisl

sem en bòlt glaim en a staigl.



Plim, plu,

plam pli

sem dernem hòt s a kloa's vi.

An **umes** as òrbetet der gònze to

Ver za paun au s haus ver en binter as ist bider do.

O issa

O tar

s ist prope a mia ont asou schbar

tròng òlla de sèlln spitzegen gratn

ver an groasn umeshaus za paroaht.

Ober zan leistn zolt se aus

ver za hom a schea's haus.

Klipp, klòpp

Klapp, klupp

an **hirsch** unter a groasa tschupp

as laft pet en sai' kloa',

en eime, durch en bòlt ont en a roa'.

Van bòlt ist er der kine

ont omadum secht men an gònz bea'ne.

S sai' haus ist ausbende, koa' tirn,

òlls vrai, ver en sèll groas him.

Koa' dòch, koa' pauern

koa' peirn ont koa' mauern!


Slurp, slap, slint

Slurp slap slent

de rint èsst er en an moment

ont en summer a groasa glick,

vrishes gros ont nussn ver za kemmen dick!



Tic, tac, tint

Tic, tac, tint

an **holzkrobl** pickt as a rint
s lechl kimmpt òlbe greaser
as de sèlln groasn raiser.
Sem bèrt s paroatn an èst
ont pet de kloa'n asou mòchen a fèst
pet keschn, oubest ont lap
finz as bèrt hom lai a stap.



Vlum vlam vlau

Vlum vlam vlau

ont pahenn en himbl anau
Sem oum secht men de gònze bèlt,
s hòt nicht as zolt s sèll lem, koa' gèlt!!

Padabum padabam bum

an traker skitz de eart sem umadum.

Der **tòcks** laft vort òlls en a gach,
de gònze òrbet gòngen en rach.

Koa' haus mear ont koa' bòlt
der herz ist lar, ar ist kòlt.

Pick pack peck

An stèck direct en an eck.

Gratn ont potsche en himbl ont en de eart,

s haus van **umesn** ist se runt keart.

De gònze òrbet, de gònze zait!

An zourn as de sèlln lait!!!

Pim, pum, pam, po

Der **hirsch** ist gòngen ibaro.

An schuss ont an groasn lèrm

as der kine hòt gamiast stèrm.

Derno òlls asou still ont a groasa rua

lai der jagerer hòt nia ganua.

Sum, sam, sum

Der pa'm vòllt um.

Der lèrm van a senges heart men ver a bail

Tum tam ont derno aa an pail.

Van pa'm plaip s nicht lai an schouber lap

van haisl van **holzkrobl** lai an stap!

Der tòcks as sklòttert nou unter an stoa'

vinnt se en sèll bòlt gònz aloa'.

Ont pet a zournega stimm schrait er "gahi'

i bill de nea'mer sechen **pfèrleches vi!!!**"

Der bòlt as ist òlbe gaben an stilln plòtz

iaz ist zai't pet an schbarn lòtz.

Pa'm en de dru', koa' vicher, koa' lem

lai vil scheiber sem.

Ont benn as s **mentsch** ist vort

heart men a scheila rua, koa' bourt.

Bèrt s hom ganua s sèll mentsch? bos ver a **pfèrleches vi!**

Ober va vèrr an lèrm van a naia maschi'...